



数据加载失败，请稍后重试！

近代中國史料叢刊第四十七輯

沈雲龍主編

開縣李尚書（宗義）政書

方宗本方誠校編

文海出版社印行

開縣李尚書政書

光緒乙酉春
武昌開雕

14. 05. 16

開縣李尚書政書卷首目錄

諭旨

彭宮保奏稿

自述

續述

事實

行述

光緒十年八月初六日內閣奉

上諭前任兩江總督李宗義由州縣洊陟封圻勤勞素著
前因患病准予開缺調理茲聞溘逝悼惜殊深李宗義
著照總督例賜卹任內一切處分悉予開復其應得卹
典該衙門察例具奏欽此

皇帝諭祭前任兩江總督李宗義之靈日鞠躬盡瘁臣子
之芳蹤賜卹報勤國家之盛典爾李宗義性行純良才
能稱職方冀遐齡忽聞長逝朕用悼焉特頒祭葬以慰
幽魂嗚呼龍錫黃壇庶沐匪躬之報名垂青史率昭不
朽之榮爾如有知尙克歆享

光緒十一年十月十九日內閣奉

上諭前任兩江總督李宗義由州縣洊擢封圻勤勞夙著
前經降旨賜卹茲據彭玉麟奏稱李宗義內行純篤節
概昭然並膺陳該故員生平事蹟請宣付史館等語著
照所請將李宗義歷官政蹟事實宣付國史館立傳以
彰蓋績該衙門知道欽此

彭宮保奏稿

光緒十一年九月二十五日

再前任兩江督

臣

李宗義於上年閏五月在籍病故該故

員以進士分發即用知縣洊擢封圻所在著聲咸豐中

臣

勦辦金陵粵逆時該故員在任大學士曾國藩幕中襄

辦軍務後該故員總督兩江復值

臣

巡閱長江水師與

臣

雅故因得知其生平行事甚悉竊見該故員其行政務有

濟於世其遇事不肯爲苟同其制行尤必出於正

臣

請舉

其卓卓者言之署兩淮鹽運使時淮南鹽艘因亂後改道

泰興河淺難運該故員乃於瓜洲之東別浚一河計長一

千五百餘丈沿江築壩名曰新河壩內濬塘名曰新河塘

於是舊河可屯小船沿江可建倉棧外江停泊鹽艘永無風濤之險至今商民賴之爲江甯藩司時大難初平荒蕪徧地該故員創辦招墾法以安殘黎圖籍無存請無論民衛丁漕按各縣科則酌中折徵錢文以應正供並助軍需之用民皆以爲便清水潭決口籌款工賑活三十餘萬人淮軍勦捻北行督辦後路糧臺歲給饟需四百餘萬大功以成巡撫山西時值逆猖方熾晉省屏蔽

畿疆關係綦重該故員添募勇丁五千擇要扼紮冰橋凝結之時狃匪三次搶渡均力擊卻之及總督兩江以其俗尙華靡尤以黜浮崇實力挽澆風爲務講求海防廣置船

礮力陳蘇松之門戶以吳淞爲最要長江之關鍵以江陰爲最先鎮江府之焦山象山江甯府之烏龍山均爲長江險要之區應趕於各處創建礮臺至今遂爲重鎮其行政之可稱者如此黃河石莊戶決口山東大吏議以口門難以施工下游應籌防範該故員言自古宣防之方不外審地形順水性從未有上游決口不堵而下游能防範者力疏爭之卒如其議而河患以塞洋夷以吳淞漲沙曉濱總署議行挑挖該故員上書極言不可逐層辯論實關海防形勢水利大局事得不行其遇事之有執如此該故員內行純篤已故豫撫嚴樹森曾以其孝行特薦於

朝從事軍中每遇保薦輒辭不與大府以介之推目之嘗以卓薦分發湖北差遣委用該故員力請回皖不能得大吏復委其代理荊州府事力辭之時兵燹之餘鄂粗完善皖則糜爛已極或謂既係改歸湖北人員卽仕荊州何害該故員則謂己以皖員乞病不仕則己仕則必仍歸皖不得曰鄂安而皖危鄂肥而皖瘠也荊州雖善地於心能安乎其制行之不苟如此臣考之輿論質所見聞略得其真竊謂該故員節概置之古名臣中殆可無愧伏念表彰賢能實

國家激勸人才之切務特以仰懇

天恩飭將該故員歷官政蹟事實宣付史館立傳之處祇
候

訓示臣謹撮其行事大略附片具陳伏乞

聖鑒謹

奏